

meum es tu : et propter nomen tuum deduces me et inutries me.

Educes me de laqueo hoc quem absconderunt mihi : quoniam tu es protector meus.

In manus tuas commendo spiritum meum : redemisti me, Domine, Deus veritatis. Gloria Patri, &c.

PSAUME 90.

QUI habitat in adiutorio Altissimi : in protectione Dei cœli commorabitur.

Dicet Domino, susceptor meus es tu et refugium meum : Deus meus. sperabo in eum.

Quoniam ispe liberavit me de laqueo venantium : et a verbo aspero.

Scapulis suis obumbrabit tibi : et sub pennis ejus sperabis.

Scuto circumdabit te veritas ejus : non timebis a timore nocturno.

A sagittâ volante in die, a negotio perambulante in tenebris : ab incursu et dæmonio meridiano.

Cadent a latere tuo mille, et decem millia à dextris tuis : ad te autem non appropinquabit.

Verumtamen oculis tuis considerabis : et retributionem peccatorum videbis.